

# S




# LO

*Di Pueblo*


BRIYANDO FUERTE • TRECIENDO CLARIDAD

Diasabra 30 December 2023

# BON AÑA



[WWW.SOLODIPUEBLO.COM](http://WWW.SOLODIPUEBLO.COM)



[SOLODIPUEBLO@GMAIL.COM](mailto:SOLODIPUEBLO@GMAIL.COM)

## CANDELA FERROZ A DESTROI CAS POR COMPLETO: PAREHA DI EDAD A PERDE TUR COS



## LANCHA CU 33 ILEGAL Y UN BABY DI 2 AÑA INTERCEPTA DRENTANDO CURACAO FOR DI VENEZUELA



## MINISTER ENDY CROES TA DESEA PUEBLO DI ARUBA UN FELIZ Y PROSPERO AÑA NOBO

Minister di Enseñansa y Deporte Endy Croes ta desea e Pueblo di Aruba su miho deseonan pa e aña binidero.

Durante aña 2023 a realisa diferente trabou pa enseñansa y deporte di Aruba den su totalidad. Minister Endy Croes ta gradici tur esnan cu a contribui den e desaroyo di enseñansa y deporte di Aruba durante 2023 y ta desea cu e Aña Nobo aki nos uni como pueblo y sigui traha pa e bienestar di Pais Aruba. Cu e luz di Todopoderoso briya y ilumina den tur hogar cu aña 2024 trece amor, salud, alegria y speransa den tur hogar.

Laga nos brinda pa un Aña Nobo yen di optimismo y oportunidadnan nobo. Finalmente, den nomber di Ministerio di Enseñansa y Deporte, Minister Endy Croes ta desea e comunidad di Aruba un feliz y prospero Aña Nobo.





# Minister Endy Croes: EN CUADRO CU HENA EXPO, A REUNI CU E REPRESENTANTENAN DI UNIVERSIDAD DI MERCA Y CANADA PA CREA MAS OPORTUNIDAD PA NOS STUDIAntenAN



En conexion cu 2023 Higher Education North America (HENA) Expo cu a tuma luga den inicio di december na Hyatt Place Aruba Airport, Minister Endy Croes a reuni cu representante di Bishop's University, Colorado State University y Saint Mary's University. E meta principal di e reunionnan aki tabata pa crea mas oportunidad pa nos studiantenan di

Aruba cu ta desea di continua nan estudio na Merca of Canada. Manera ta conoci, HENA Expo tabata un exito total.

Un total di 400 estudiante a acudi na e expo aki pa busca informacion y haci pregunta encuanto estudio na Merca of Canada. Minister Endy Croes ta indica cu por logra hopi ora cu ta traha den ekipo, aplicando e 4 C-nan di Siglo

21: comunicacion, colaboracion, pensamiento critico (critical thinking problem solving) y creatividad.

Pa finalisa, e mandatario di Enseñansa ta expresa cu ta sigui crea conexion cu diferente college y/of universidad di Merca y Canada pa asina sigui brinda mas oportunidad na nos studiantenan di Aruba.

20 23

# FELIZ

## Dianan di Fiesta

Y

# PROSPERO

## 2024

UTILITIES ARUBA<sup>NV</sup>

WATER-EN ENERGIEBEDRIJF ARUBA N.V.

Cu e temporada aki brinda paz, amor y **energia positivo** den tur hogar



# LANCHA CU 33 ILEGAL Y UN BABY DI 2 AÑA INTERCEPTA DRENTANDO CURACAO FOR DI VENEZUELA

Durante oranan di diamars anochi, radar Di Maritiem Operatiecentrum (MOC) a detecta un posibel boto entre Klein Curaçao y Curaçao. Avion DASH a keda desplega pa dobel check, sigui pa un intervencion di E Metal Shark cu a sali pa e lancha.

Na e intercepcion, a descubri cu e embarcacion tabata transporta 34 persona indocumenta: 24 homber, 9 muhe y

un baby di 2 aña, tur di nacionalidad venezolano. E Boto Metal Shark a hiba nan tera, caminda nan a wordo entrega na e autoridatnan di Korps Politie Curacao (KPC).

Apesar di tanto tragedia y perdida di bida, Venezolanonan no ta rasona y no ta give up pa tuma riesgo pa sali den lancha rumbo Curacao of Aruba.



## Prome Minister Evelyn Wever-Croes:

# GABINETE WEVER-CROES NO TA ESUN CU A DUNA TERENO NA IBEROSTAR PA CONSTRUI UN HOTEL NA EAGLE BEACH

Ya desde 2005-2008 Iberostar a cumpra 3 proyecto cu tereno Prome Minister Evelyn Wever-Croes, riba comentarionan recien den media tocante un hotel na Eagle Beach, a duna di conoce cu Gabinete Wever-Croes no ta esun cu a duna tereno na Iberostar ni permit pa construi un hotel den e area aki. Prome Minsiter a indica cu ya desde 2005 pa 2008, e tereno en cuestion y e proyecto,

a bira doño di Iberostar hunto cu dos otro proyecto cu tereno.

Iberostar, Prome Minister a remarca, ta un caso hopi particular. Iberostar a cumpra tres proyecto di hotel cu ya caba tawata tin tereno desde 2005 pa 2008 bin dilanti. Un tereno ta situa na Tierra del Sol, un situa patras di Eagle Beach y e ultimo, na Eagle Beach na unda e construccion actual ta

tumando luga.

Prome Minister a duna di conoce cu Iberostar semper tawata dispuesto pa sinta na mesa cu Gobierno na unda cu Gobierno a splica nan cu Aruba no por carga tres hotel mas na e momentonan aki. Teniendo cuenta cu esaki, Iberostar a bay di acuerdo pa baha e cantidad di cambenan y construi menos camber di loke nan tin derecho riba dje.



Iberostar a bay di acuerdo tambe pa construi tur tres hotel pareu pero ta parti e construccion temporisa dentempo.

Ban uni y trece  
color na Aruba

E FIN DI AÑA AKI!

BON PASCO Y FELIZ AÑA NOBO!

Arubabank



# MINISTER ENDY CROES TA FELICITA SRA. NORA RODULFO CU A CUMPLI E BUNITA EDAD DI 80 AÑA



Dia 26 di december ultimo, rondona pa famia- y amistadnan Sra. Nora Rodulfo a celebra engrande su 80 cumpleaños. E bunita recepcion a tuma luga na Centro di Bario Ayo. Minister Endy Croes tabata presente pa celebra e ocasion special aki cu Sra. Nora.

Mariachi Luz de Luna Aruba di Sr. Nelson Tromp a sorprende Sra. Nora y a deleita tur esnan presente cu nan exitoso repertorio. Sra. Norma a baila y gosa di su fiesta. Sigur un tremendo fiesta den union familiar yena cu hopi ambiente. Minister Endy Croes ta desea Sra. Nora Rodulfo hopi bendicion y hopi aña mas di bida y salud. Masha pabien!



## ORARIO SVb DIANAN DI FIESTA

Tur SVb su oficinanan ta cera riba dianan di fiesta. Servicio pa notifica AO ta limita.

- 1+2 di januari 2024**
- MiSVbTrahado App: 7am - 11am**
- 527 2782: 7am - 11am**

**No por yama pa dokter di control.**

Prome cu por notifica AO via e MiSVbTrahado App mester traha un cuenta y haya confirmacion. Sino mester yama notifica AO na 527 2782.



Minister Endy Croes:

# CARTAC A PRESENTA RESULTADO DI E INVESTIGACION CU A HACI RIBA ESTADO FINANCIERO DI E ENTIDADNAN DI GOBIERNO



D: Recientemente, Consejo di Minister a reuni cu Caribbean Regional Technical Assistance Centre (CARTAC), cual ta un organizacion cu ta brinda asistencia tecnico pa IMF den e region di Caribe. CARTAC a haci un invistagacion tocante e estado financiero di e entidad y fondonan publico na Aruba. E meta di e investigacion aki tabata pa mehora e sistema presupuestario y e calculacion di riesgo cu por tin efecto riba e Presupuesto y e estado financiero di Pais Aruba. CARTAC a diseña un modelo special pa Aruba pa evalua e sistema financiero di e institutonnan

semi gubernamental y fundacionnan cu ta subsidia door di Gobierno di Aruba. A base di e investigacion aki, Gobierno di Aruba por pone atencion riba e risiconan cu e entidad y fondonan publico por ocasiona pa e Presupuesto di Pais Aruba. Na final di e investigacion, Consejo di Minister a haya un presentacion amplio di tur stakeholder via Zoom Meeting, unda cu nan a presenta e resultado di investigacion y a duna un recomendacion. Pues, un excelente investigacion, unda cu por uza como guia pa tur entidad cu ta resorta bou di Gobierno di Aruba pa asina haci e



miho decisionnan y hiba direccion. Pais Aruba den e miho



## **Registro Civil y Censo ta informa lo siguiente:**

En conexion cu cambio introduci door di Reino Hulandes den e tarifa di paspoort, manera estableci den e Decreto di Reino Hulandes di 28 november 2023, referente cambionan den e Decreto pa cu e tarifa di paspoort desde 1 januari 2024 (Stb. 2023, 439), esaki lo bira:

Paspoort nacional pa hende riba 18 aña di edad:	Afl. 191,00
Paspoort pa comerciante:	Afl. 227,00

## **Dienst Burgerlijke Stand en Bevolkingsregister deelt het volgende mee:**

In verband met de door het Koninkrijk der Nederlanden in te voeren wijziging zoals opgenomen in het Besluit van 28 november 2023, houdende wijziging van het Besluit paspoortgelden en aanpassing van de tarieven per 1 januari 2024 (Stb. 2023, 439) bedragen de paspoortleges vanaf 1 januari 2024 het volgende:

Nationaal paspoort personen boven de 18 jaar oud:	Afl: 191,00
Zakenpaspoort:	Afl: 227,00



Den e temporada di Pasco aki y e sentimento cu aña 2023 ta yegando na su fin, mientras nos pais ta sinti e yegada di un aña nobo, laga nos como ciudadanonan uni, refleha riba e retonan cu hunto nos a supera y e logronan di bienestar cu hunto nos a realisa. Nos ta un pais realmente bendiciona.

Den temponan scur di crisisnan sin precedente, nos resiliencia a briya cla, recordando nos di e forsa determina cu ta bida den nos comunidad.

E Pasco aki, laga nos celebra e triunfonan cu nos a logra hunto y mira dilanti cu speransa.

Cu amor, speransa y union yena nos curasonnan cu alegria. Mi ta desea cada ciudadano di nos pais, un Pasco alegre y un Aña nobo yena di felicidad. Laga nos sigui conta nos bendicionnan y sigui construi riba e fundeshi firme di nos pais, pa un futuro prospero, harmonioso y bendiciona.


*Evelyn Wever-Croes*

NOS TA  
UN PAIS BENDICIONA





# CANDELA FERROZ A DESTROI CAS POR COMPLETO: PAREHA DI EDAD A PERDE TUR COS



Santa Cruz - Diahuebs anochi mas o menos rond di 10'or y 15 alarma a wordo bati pa un cas na candela, net pabou di rotonde di Santa Cruz.

Mesora unidadnan di Brandweer y tambe di polis a sali pa dicho cas; y berdad na yegada ta confirma cu e cas cu yen

mata pabou di Botica Maria ta completamente na candela.

Ta trata di un meneer masha conoci mes den Santa Cruz, esta Archi.

E cabayero aki hunto cu su señora tawata paden, ora cu nan a haya holor di huma.

Mester remarca cu ta trata di dos persona di edad. Asina mes nan a sali mesora di e cas, unda cu e candela parse lo a cuminsa den e veranda y expande.

E caminda cu ta pasa dilanti e cas a wordo cera ambos banda, tanto di rotonde Santa Cruz y e crusada di Notaris Tromp.

Bomberonan cu a yegada den e unidadnan mesora a drenta accion y alabes a solicita pa ambulance, mirando e cu e pareha tawata hopi emocionada y posiblemente te hasta por a inhala huma.

Dos ambulance a presenta



na e sitio pa atende cu e pereha y despues lo a sali cu nan pa Hospitaal.

Sra. Rodriguez di Slachtofferhulp a wordo poni na altura tambe pa vang op e pareha aki cu a perde por bisa tur locual nan tawata tin.

Imagina tur nan

recuerdonan di acumula di henter nan bida perdi den e un candela tres dia prome cu aña ta caba.

Investigacion lo mester saca afo ta kiko por a cuminsa e candela y cu esaki a expande asina lihe, consumiendo e cas por completo.

Deseando bo y bo famia un aña nobo yena cu dicha y prosperidad.

Bon Aña!

2024



# POLIS INVESTIGANDO ACCIDENTE CU DECLARACION CONTRADICTORIO NA ROTONDE SERO BLANCO



Diaranson mainta a drenta informe di un accidente cu hende herida na e rotonde Sero Blanco, mesora a

dirigi tanto polis como ambulans na e sitio. Na yegada di e patruya a bin compronde cu aki ta trata di un accidente entre un auto y un scooter cu declaracionnan contradictorio unda e automobilista ta bini di pazuid y e scooter tambe pero segun e motociclista e ta bini di pabao. debi na e impacto e motociclista a resulta herida. Na yegada di e ambulans



nan a atende e victima cu tin e investigacion y e tabata keha di dolor na camaranan di seguridad a su brasa. Pero ambulans keda di revisa e acto aki no mester a transporte pa hospital. Polis di trafico

## VACATION RENTAL TA OFICIALMENTE REPRESENTA DEN HUNTA DI AHATA NA 2024

Chairman	Paul Gielen	Renaissance Aruba	Active - Hotel
Vice Chair	Joe Najjar	La Cabana	Active - Timeshare
2nd Vice Chair	Warren Stanley	Tropical Bottling	Allied
Treasurer	Gabe Castrillon	Hyatt Regency	Active - Hotel
Secretary	Samuel Johnson	Barceló	Active - Hotel
Director	Ewald Blemans	Bucuti & Tara	Active - Hotel
Director	Steve Redkoles	The Ritz-Carlton	Active - Hotel
Director	Richard Foy	Eagle Aruba	Active - Timeshare
Director	Raoul Lemmerling	Aruba Marriott Complex	Active - Hotel
Director	Marin Ejl	Divi & Tamarijn	Active - Hotel
Director	Pablo Casal	Embassy Suites Resort	Active - Hotel
Director	Alex Cybul	Turibana Plaza & Aramis	Active - Vacation Rental
Director	Sharon Frankel-de Cuba	Aruba Bank	Allied

18 December 2023: Durante Asamblea General Anual di Aruba Hotel & Tourism Association (AHATA), e miembresia a eligi un hunta pa 2024. Segun reglanan nobo di e asociacion di turismo, aproba pa miembronan algun luna pasa, e hunta di 13 persona mester inclui: 7 representante di hotel, 2 di timeshare, 1 di vacation rental, y 2 di miembro aliado.



Presidente y CEO, Tisa LaSorte, pa establece e strategia di e asociacion. AHATA su meta principal ta pa yuda sigura un industria di turismo productivo y duradero pa sostene e economia di Aruba.

E hunta di directiva pa 2024, ta consisti di e siguiente personanan: E hunta ta traha cu e







Ministerio di Enseñansa y Deporte

# UN FELIZ Y PROSPERO AÑA NOBO!

Cu e Aña Nobo aki bendiciona bo cu tur deseo di bo curason y cu e trece salud, amor y alegria pa bo y bo famia.

*Endy Croes*

Minister di Enseñansa y Deporte  
**Endy Croes**



# A Haya Un auto Clave den E Caso Di Asesinato Di Sergio Maduro

Autoridadnan a logra haya un auto clave cu vincula na e asesinato tragico di Sergio Maduro. E auto a wordo haya na e veld di Jong Aruba/sc United cu ta situa pariba di Misa di Noord. Aunke polis no a emiti un informe oficial ainda, fuentenan cercano ta confirma e hayazgo.



Te awor no a confirma si e vehiculo ta di Sergio Maduro of si e ta relaciona cu e autornan di e crimen. Mientras no tin mucho claridad, comunidad ta wardando ansiosamente pa haya mas detaye di par-


ti di autoridadnan.

Dia 24 di December a haya e curpa di Sergio

Maduro bandi caminda di Matividiri. E investigacion

ta tumando lugar pa asina pone man riba e asesino.

## Dama turista a altera cu personal medico y di seguridad na Hospital



Diaranson anochi a drenta informe di cu tin un dama turista cu a altera cu e personal medico y di seguridad di hospital y ta luchando cun'e, mesora a dirigi patruyan na e sitio.

Na yegada di e patruya e dama mesora a tranquilisa y no tabata rekeri di mas patruya na e sitio.

Despues di un rato a dama a calma completamente.

**Happy New Year**  
**RIU**  
HOTELS & RESORTS  
**2024**



# FORTALEZA PA FAMILIA

Scirbi pa Pastor Marcel Balootje.

## 2024 LO TA UN ANJA PA FORTALESE NOS RELACION CU DIOS PROFUNDAMENTE



Ta para scirbi den 2 Timoteo 2 ;9 ; Sin embargo e fundeshi firme di Dios ta para, seya cu e inscripcion aki: Señor conoce esnan cu ta di dj'E y laga tur esnan cu ta menciona e nomber di Señor abstene for di maldad.

Pasobra tur esnan cu ta scucha y lesa locual bijbel ta bisa y no ta hacie of mihor bisa no ta practica, tampoco cana den e boluntad di Dios ta nan mes nan ta gaña ( Santiago 1:22).

Lucas 6:46-47 Hesus ta splika bon cla bisando: Y pakico boso ta yama mi Señor, Señor y no ta haci loke Mi ta bisa. Ken cu bini

serca Mi y tende Mi palabranan y haci nan, lo Mi muestra boso cu ken e ta igual.

Obedencia na Dios ta trece sabiduria den bida di hende, mas obediente un hende ta na Dios, mas estructura su bida Spiritual ta, y su crecimiento lo ta visibel pa tur hende.

Tene bon cuenta con Dios a saca Hose for di prison, yena cu sabiduria di Dios y hacie gobernador di Egipto.

Y mescos tambe Dios a yama David for di tras di tou di carne y hacie Rey di Isreal.

Dios a duna rey Salomon cu no tabatin conocimiento di gobernacion, sabiduria cual te dia di awe no tin ningun otro rey cu por compara cune.

Tur e hendenan aki a fortalese nan relacion cu Dios, den tempo dificil, den tempo trabahoso, mescos

cu nos por recorda e tempo di Noe, caminda e pensamiento di hende tabata draai rond di maldad so y

Noe a haña gracia dilanti di Dios.

Mi stima esnan cu ta stimami y esnan cu buscami cu diligencia lo hañami. (Proverbionan 8:17).

Señor ta cerca esnan cu ta sclama na dj'E, cerca di tur esnan cu ta sclama na dj'E di berdad.

E lo cumpli cu e deseo di esnan cu ta tem'E, tambe E lo tende nan sclamacion y lo salbanan, (Proverbionan 145:18-19).

Hala cerca Dios, y e lo hala cerca boso. Limpia boso mannan boso pecadornan, y purifica boso curason, boso di curason dobbel. (Santiago 4:8).

Ta tempo pa busca Dios di henter nos curason, tempo pa fortalese nos relacion cu Dios, tempo pa oracion, ayuno, tempo pa scucha Bos di Dios y sigi conseho cu ta bini for di e palabra di Dios.

Tempo pa busca Dios, pa nos hogar, nos familia, nos negoshi y mas cu tur cos pa bienestar di nos pais.

No ta tempo pa corre tras di hende, tras di idea di hende y tras di boluntad

di hende, tras di ideologia di hende, pasobra hende ta manera yerba un rato e tey despues e ta seca y no tey mas.

Dios ta yama nos pa para manera Hose, Elias, Eliseo, Daniel, Juan Bautista, y laga tin den nos e actitud cu tabatin den Cristo Hesus y para pa Su palabra.

E tempo mes lo demostra e exigencia spiritual di parti di Dios, pa nos por experiencia intimidacion cu Dios aki riba tera.

Ta tempo pa para firme

manera homber, y depende riba Dios, y solamente riba Dios, nos no por come

for di dos mesa, ni tampoco cana den dos caminda. Gloria den Su nomber santo, laga curason di esnan cu ta busca Señor ta contento. Busca Señor y Su fortaleza busca Su cara continuamente. (1 Cronicanan 16:10-11).

Aña 2024 lo ta un año cu nos lo mira movicion y sinti e presencia di Dios fuertemente ora nos busce di henter nos curason.

### ORACION DI DIA



#### Un dia fructifero yena cu hopi bendicion.

Señor ta Rey, laga mundo ta contento y alegria bay di isla pa isla. (Salmo 97,1)

Rumannan, Señor ta Rey, Señor ta Salvador, Señor ta Redentor, e husto hues, E ta Mesias. Nos curason ta contento, yena di fe y alegria pasobra nos sa cu nos Cristo Hesus ta bibo meymey di nos. Nos Cristo cu a nace manera un baby y ta Rey di henter creacion. Cristo a bin pa biba ley, no pa cambia nada. Asina El a duna nos e ehempel bibo y instrui nos pa keda firme na loke ta real, berdadero y cu ta agada Dios. Nos Señor y Rey ta husto y ta stima berdad, husticia y rectitud.

Laga nos trata lo mas cu nos por pa cumpli cu loke ta ley di Dios y denuncia maldad. Esaki sin doblega pa cualkier liña di mentira cu ta trata di burusi (bruha) e unico berdad cu ta e Palabra y ley di Dios. Rumannan, alaba y duna Gloria na Señor cu ta nos Rey y Salvador.

Oracion: Tata Santo, nos Rey nos ta alaba Bo y duna Bo tur Gloria. Nos ta pidi Bo pa keda guia nos cu Bo Spirito Santo pa asina nos por ta fuerte contra cualkier cos cu kier burusi (bruha) nos mente y Bo gran berdad.

Nos ta desea pa tur dia di nobo por cumpli cu ley y amor. Nos ta pidi esaki den nomber di Hesus.  
Amen.

**PUEBLO A HAÑA SU  
PEN BEK**

Pa kualkier informacion  
solodipueblo@gmail.com  
of  
☎ 585-9500



# Auto a dal peaton na Savaneta un otro auto a pasa lante y bay cun'e pa hospital



Diaranson atardi a drenta informe di un accidente cu hende herida poco mas pabao di Zeerovers na Sava-


neta, mesora a dirigi tanto polis como ambulans na e sitio. Na yegada di e patruxa y ambulans nan no a

encontra cu nada. For di bisñanan a bin compronde cu un auto a pasa riba un hende y a sigi core bay y un

otro auto a pasa a pone e victima aden y tuma direccion pa su cas. Mesora polis di trafico a ser avisa y a

bin cuminsa cu e investigacion. E victima a ser busca cu ambulans na su cas na Macuarima y hiba hospital

# Homber drumi ariba suela na manera straño a pone hende avisa polis



Paradera - Diaranson anochi den careda di 8'or bishitantenan di Morning Supermarket situa na Paradera a ripara un homber drumi ariba suela, banda di e luga cu ta bende number.

Mirando cu e homber tawata den un posicion straño y no tawata move a pone e hendenan bira poco nervioso.

Parse cu ta un persona cu sa bin eybanda y nan no por a saca afo si ta malo e por a bira.



Na yegada di polis e la logra "lanta for di soño". A bin resulta cu e meneer

aki tawata mas bien bebi y pa su mesun bon a pidi transportwagen, unda cu e la wordo hiba warda.

**PRONOSTICO DI TEMPO**

**VALIDO TE DIASABRA 30 DI DECEMBER 2023, 18:00 ORA**

**TEMPO:**

**AWE TARDI Y AWE NOCHI: PARCIALMENTE NUBLA CU UN POSIBLE AWACERO PASAJERO**

**DEN MARDUGA Y MAYAN: PARCIALMENTE NUBLA CU UN AWACERO BREVE POTENCIAL DI AWACERO PA PROXIMO 24 ORA:**

**1 TE 3 MM; LOCALMENTE ESAKI POR TA DIFERENTE.**

**REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):**

**PRONOSTICO DI TEMPO PA PROXIMO 3 DIANAN:**

**PARCIALMENTE NUBLA CU UN AWACERO BREVE.**

**BIENTO LO TA FOR DI DIRECCION OOST Y MODERA;**

**BASTA FUERTE DEN RAFAGA;**

**TEMPERATURA (GRADO CELSIUS) MAX / MIN LO TA: 31 / 27**



# Despues di agredi dama e pareha bay cu e auto y e yiunan di e dama

Diaranson atardi a drenta informe di cu un homber a agredi su pareha y a bay cu e auto di e dama y su yiunan, mesora a di-

rigi un patruya na e sitio. Na yegada di e patruya a bin compronde cu su pareha a agredie y a coy yabi di e auto di e dama y

a pasa man pa e yiunan di e dama y a bay cu esakinan. Polis a tuma datos y a keda di pasa sitionan unda e pareha sa frecuenta.



## Elton Barbour a wordu Premia na Hulanda como miho Sales Manager di aña 2023

E proceso a wordu hasi pa compania International Workplace Group.

Elton Barbour ta emplea na IWG como Area Sales Manager pa regio West, Den Haag, Rotterdam, Zoetermeer, Delft, Rijswijk, Gouda, Leiden y Alphen a/d Rijn. IWG ta un compania cu ta riba bolsa international y ta existi for di aña 1989 cual tawata bao nomber Regus. Desde aña 2011 la cambia nomber y bira IWG. E compania aki ta brinda Workspace flex rond mundo, y tin mas cu 10.000 personal den servicio riba 120 pais rond mundo.

Compania International di renombre manera Microsoft, Disney, Samsung, Spotify, McAfee, BlackRock y mas ta huur Workspace cerca IWG.

Na aña 2021-2022 temporada di Covid hopi empleado tawata traha for di cas. Na 2023 compania nan Hulandes a cuminsa ofrece Workspace flex pa diferente compania. Door di Elton Barbour su experticio den benta e la



sa di convence varios compania Hulandes pa huur Workspace cerca IWG.

Di e forma aki Elton Barbour merecidamente a sobresali como e miho Sales Manager di aña 2023, y la wordu premia door IWG.

Nos kier felicita Elton Barbour como un Arubiano

cu a destaca na Hulanda cu e logro special aki.

**PUEBLO A HAÑA SU  
PEN BEK**

Pa kualkier informacion  
solodipueblo@gmail.com  
of  
☎ 585-9500





# MINISTER ENDY CROES TA FELICITA REBECCA CROES CU A TITULA CAMPEON MUNDIAL DEN WORLD BENCH PRESS CHAMPIONSHIPS 2023



ORANJESTAD: Diaranson ultimo, Minister di Enseñansa y Deporte Endy Croes a ricibi bishita di e hoben atleta Rebecca Croes di 22 aña di edad cu actualmente ta studiando nutricion na Haagse Hogeschool na Den Haag, Hulanda. Rebecca a participa den World Bench Press Championships 2023 den e categoria di Women Junior Classic di 53 kg y a sali campeon mundial. Rebecca tin 3 aña cu ta compitiendo den World Bench Press Championships. Esaki ta e di 7 campeonato anual cu a tuma lug a den e luna di

mei na Sun City, South Africa. Un total di 57 participante di edad di 19 pa 23 aña a competi den e categoria di Women Junior Classic, 43-57 kg. Durante e encuentro ameno, Minister Endy Croes a entrega Rebecca un medaya di oro pa su contribucion den e desaroyo di deporte. Finalmente, Minister Endy Croes ta felicita Rebecca cu e titulo aki y ta dese'e hopi exito den futuro cu tanto su estudio y futuro competencianan deportivo. Aruba ta orguyoso di bo! Cu deseo, disciplina, determinacion y dedicacion ta logra.

**Clasificados**

**SOLODIPUEBLO@GMAIL.COM**  
**CEL. 585 9500**

**NOS MIHOR DESEONAN**

Na tur trahado publico:  
Boso dedicacion y cooperacion a contribui na un aña di innovacion y progreso.

Bon Pasco y un Feliz aña 2024.



# Enzo Croes di Aruba Dolphins Swimming di apenas 11 anja kibrando barrera den mundo deportivo

Enzo no ta un desconoci den mundo di deporte. Na 2022 Enzo a gana diferente premio international manera High Trophy na e prestigioso competencia di landamento na NACO Santo Domingo y tambe PANAM Aquatics Junior Open Water.

Pero local tambe Enzo ta hopi activo tanto den su deporte preferi di landamento como otro deporte nan.

Enzo ta participa na hopi deporte escolar y pa anja escolar 2023-2024 ja caba Enzo a gana su participashon na weganan Interinsular di Volley Ball y Aquathlon representando su Scol Colegio Sagrado Curason.

Por a mira tambe cu Enzo a sa di conquista segundo

luga den coremento den su categoria y number 9 Overall na e eventonan di Patrishi Sport.

Sinembargo landamento ta Enzo su deporte faborito y pa anja 2023 Enzo a sa di sobresali den landamento tambe.

Enzo a Sali den top 3 den diferente Open Water y a gana High Trophy na Giants

Open y awo na Corsow na e evento Siegfried Francisco. Kiko mas por spera di Enzo? Bou di guia di su coachnan Enzo kier suigi progresa atleticamente y asina logra diferente meta.

Di su mayornan nos a compronde cu Enzo ta un excelente estudiante.

Pabien Enzo cu bo logronan y nos ta spera hopi mas di bo den 2024



## Auto a bolter ariba crusada di Fortheuvelstraat cu Sint Catherinestraat



Fortheuvelstraat/ Sint Catherinestraat - Diahuebs anochi rond di 10'or polis a bay ariba e crusada di Fortheuvelstraat cu Sint Catherinestraat, unda cu un auto lo a dal contra un cura di cas. Na yeda di polis nan a

tuma di lastro di brake basta largo, y na final un auto gebolter. E pareha cu tawata den e auto a sali for di auto y nan tawata papia cu polis splicando kiko a sosode. Locual nos por a mira cu e auto no a regula su ve-



locidad, ora e tawata yegando e t-kruising, dado momento ora e chauffeur a ripara cu e ta cerca e la cera brake.

Aki ta unda e auto a sigui bay dal contra acera paso over algun mata bolter y keda benta cerca di e cura di cas.

Algun rato despues dos famia a presenta na e sitio pa pone nan mes na altura di locual a sosode.



# E number 911 no ta trahando, pa emergencia yama 100

Diaranson mainta a tene un automatizacion na Brandweer unda compania di telefon ta haciendo trabaonan. Esaki a causa un problema

den connexion, unda no por tin contacto cu 911 pa e proximo 30 minuutnan. E compania ta trahando duro pa reestablece e connexion aki.



8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

	3	8				2	4	
6			9		2			1
		4			8			6
4	7	1	2			3	5	
		5					1	
	8	3				6	7	
		6			1	5	2	9
		2					8	



May this holiday season inspire us to embrace kindness and open doors to new opportunities for everyone.

## Happy Holidays!

We resume business on January 3, 2024

